



UNIVERSITÄTS-
BIBLIOTHEK
PADERBORN

Augusti Buchneri Orationes Panegyricæ

Buchner, August

Cliviæ, [1668]

Lectori Benevolo S.

[urn:nbn:de:hbz:466:1-69483](https://nbn-resolving.org/urn:nbn:de:hbz:466:1-69483)

LECTORI BENEVOLO

S.

Nescio quod immitius fatum haecenus ex-
 ercuerit illa *BUCHNERIANA*. Ita prelo
 semper subjecta, nunquam absoluta prelo fue-
 runt. Annus labitur octavus, quod terris
 ereptus perfectissimus vir fuit, septugenario propior. Nam
 vitâ concessit pridie Idus Februarias anni sexagesimi primi
 proximi, cum in Professione Poes: XLV. Oca. XXX. E-
 phoria Elect: Alumnorum XXII. annos totius Academiae
 Senior expleisset. Ac dum viveret, multis quidem & ex-
 quisitis amicorum precibus fatigabatur unice ad emitten-
 dum hunc foetum suum, quippe, ex quo intelligi demum pos-
 set, quid per totam vitam intra se congesisset eruditionis &
 eloquentiae Buchnerus; Plinii junioris exemplo, & C. L.
 Mamertini & Evmenii & Nazari, ac reliquorum, qui
 vel bonis recordationibus prosequuti maximorum Impera-
 torum facta & vitas sunt, vel in aliis cothurno dignis rebus
 virtutem suam prodiderunt. Sed prout erat veterum ac-
 cerrimus ac prudentissimus imitator, non in verbis tantum
 & unâ sermonis dignitate ac habitu; sed illâ senili imprimis
 sapientiâ, quam in bonis auctoribus venamur: sic spirantem
 sibi hanc extorqueri clavam non passus est, ratus, intra arca-
 nos conscientiae carceres verius coerceri posse, quâ premenda
 veteribus in nonum ac decimum annum fuissent visa. Nun-
 quam enim insolentius efferebatur animo, ut ut principa-
 tus sui in his rebus non ignarus; se minor semper sibi, & ma-
 jor perpetuo tamen omnium ore & admiratione? Post ejus
 excessum operam istam utilissimam aggressus Cohæredum
 rogatu est Gener Clarissimus, OTHO PRÆTORIUS,
 vir sicut ad morum omnem facilitatem ac gratiam, quam
 virtutum rarissimam non absre φιλίαν Aristoteles dixit;

ita ad eloquentiam quoque, ac carminum artes, & quae eo spectarent, factus & destinatus ab ipsa quasi natura: cuius opera etiam affectus liber; sed quod morte praecerba ante diem non sine magno literarum detrimento praeventus, annos non amplius duos & tricenos natus, perfectus non fuit. Ita denique jacuit desideratissimum opus, de quo tamen protrahendo tandem in publicum serio cogitarunt nobilissimi heredes **BUCHNERIANI**, in quibus his praecipue **CHRISTIANVS AVGVSTVS**, ob avita virtutis & artium illustrem prudentiam à Serenissimo Electore Saxonico rei Tormentariae Fabricis quoque praefectus & **JACOBVS WILHELMVS**, Turmae equestris Optio. Factum inde, ut ad me discipulum veterem, aut ut verius dicam, vetustissimum & maximeque **BUCHNERI**, devolveretur, quicquid reliquum curae in edendo libro hoc fuit. Recordabar eruditissimarum Scholarum, quas ante istos quadraginta & tres annos habuit venerabilis senex multo equidem meo cum bono, dum & pateret quotidie liberrimus accedenti aditus, & crebrioribus ob ambulationibus quaestiuunculis quoque meis compendium longè maximum facerem discendi; recordabar arctissima deinceps consuetudinis postquam Professorio munere ipse praevocatus fueram ad motus; quam adeo sanctè custodivimus uter quoque, paterno affectu & indulgentia ille, ego filiali veneratione ac cultu, ut quae elam inter nos nulla fuerit unquam, praeter quae nos extremis eius temporibus disjunxit. Nam morti proximus advocabat, hortabatur, objurgabat absentem, venire ad se vellem quo cum de rebus seriis sibi colloquendum ante obitum esset. Sed lecto aequè defixus ego & decumbens graviter adesse mox discessuro non poteram, ut quam maxime discuperem; cum communi singultu ac agritudine ingenti nostram. Caterum adii facilis ac promptus postremum laborem, qui editionem istam voluminis gravissimi expressit. Gravissimi dico. Neque enim magnitudi-

ne ac

ne ac mole metiendus hic liber; sed pretio sua virtutis. De
quo statuent eruditi. Nam talia scribere non nisi erudito-
rum est. Interim magna agenda habendaq; gratia sunt no-
bilissimis, quos dixi, HÆREDIBVS, qui tanta frugis ac
ponderis corpus non invidere erudito orbi (de quo non semel
conquestos doctos memini viros) sed verò impertire liberali-
ter instituerunt. Tu utere feliciter, LECTOR BENE-
VOLE, & posthac multò plura alia è scriniis Buchnerianis
expecta, si non parvis gravitatis, at infinita venustatis tamen
& acuminis inspersi. Sic enim solitus BVCHNERVS. B.
V. CANDIDE ELECTOR, & honoris Tui studiosissi-
mo fave.

wittebergæ Kal. Juliis
A. cId lcc, LXVIII.

JOHANNES ERICUS OSTER-
MANNUS, Acad. Senior.